



MANUAL KHUTBAH JUMAAT



TAJUK ; BAHAYA FITNAH



ISLAMIC SALVAGEUR OBEEDIENCE

Unit Khutbah
Bahagian Pengurusan Masjid
Jabatan Agama Islam Selangor



"BAHAYA FITNAH".1

<p>الْحَمْدُ لِلَّهِ الْقَائِلِ: يَا أَيُّهَا الَّذِينَ ءَامَنُوا إِن جَاءَكُمْ فَاسِقٌ بِنَبَأٍ فَتَبَيَّنُوا أَن تُصِيبُوا قَوْمًا بِجَهْلَةٍ فَتُصْبِحُوا عَلَىٰ مَا فَعَلْتُمْ نَادِمِينَ ﴿٦﴾</p>	2
<p>أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَىٰ سَيِّدِنَا مُحَمَّدٍ وَعَلَىٰ ءَالِهِ وَأَصْحَابِهِ أَجْمَعِينَ.</p>	3
<p>أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ! أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.</p> <p>قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ ﴿١٠٤﴾</p>	4
<p>Marilah kita meningkatkan ketakwaan kehadiran Allah SWT dengan menunaikan segala perintah-Nya serta meninggalkan segala larangan-Nya, semoga kita beroleh kejayaan di dunia dan di akhirat.</p>	5
<p>Khatib ingin mengajak para jemaah sekalian untuk sama-sama menghayati khutbah pada hari ini yang bertajuk "BAHAYA FITNAH."</p>	6
<p>Dewasa kini, pelbagai medium berita dan maklumat hanya di hujung jari. Dengan ruang yang lebih terbuka terhadap maklumat semasa, maka setiap berita yang diperolehi hendaklah ditapis dan diberi keabsahan terlebih dahulu dari pihak yang bertanggungjawab. Adalah bercanggah dengan prinsip Islam, apabila hanya menerima berita atau maklumat yang hanya disahkan dengan hati yang penuh kebencian, dendam, kemarahan dan pertimbangan secara membuta tuli.</p>	7



<p>Ini suatu perbuatan yang berlawanan dengan firman Allah SWT dalam surah Al-Hujurat ayat 6 yang telah dibacakan pada awal khutbah tadi yang bermaksud:</p> <p><i>“Wahai orang-orang yang beriman! Jika datang kepada kamu seorang fasik membawa sesuatu berita, maka selidikilah (untuk menentukan) kebenarannya, supaya kamu tidak menimpakan sesuatu kaum dengan perkara yang tidak diingini dengan sebab kejahilan kamu (mengenainya) sehingga menjadikan kamu menyesali apa yang kamu telah lakukan.”</i></p>	8
<p>Ayat ini perlu kita amati dan amalkan bagi mengelakkan serta menjauhkan diri dari amalan fitnah yang sentiasa berlegar dalam kalangan umat Islam pada hari ini.</p>	9
<p>Fitnah menurut bahasa bermaksud malapetaka, ujian dan cubaan. Mengikut Kamus Dewan fitnah adalah satu bentuk tuduhan atau cerita yang dibuat-buat serta direka-reka bagi memburukkan seseorang bagi tujuan melahirkan kebencian, menjatuhkan reputasi dan kesan negatif terhadap seseorang individu atau pihak tertentu.</p>	10
<p>Setiap manusia dilarang sama sekali melakukan perbuatan fitnah ini kerana kesan yang terlalu buruk yang boleh dibawa terhadap masyarakat akibat fitnah. Amalan fitnah memfitnah adalah punca kepada kegagalan kesatuan ummah dan pembinaan tamadun mengikut acuan Islam, malah mengundang kemurkaan Allah SWT dan memusnahkan cita-cita mencapai keselamatan atau kejayaan.</p>	11



Uqbah bin 'Amir Radiallahuanhu menceritakan:

قُلْتُ يَا رَسُولَ اللَّهِ! مَا النَّجَاةُ؟ قَالَ: "أَمْسِكْ عَلَيْكَ لِسَانَكَ،
وَلْيَسَعْكَ بَيْتُكَ، وَأَبِكْ عَلَى خَطِيئَتِكَ"

12

"Aku bertanya: "Wahai Rasulullah! Apakah membuatkan kita selamat? Baginda menjawab: "Jagalah lisanmu, hendaklah rumahmu membuatmu lapang dan menangislah kerana dosa-dosamu."

(Riwayat al-Tirmizi).

13

Berdasarkan hadis tersebut, sebagai seorang muslim yang mengaku beriman hendaklah menjaga lisannya daripada terjebak dengan budaya fitnah yang sangat merbahaya dan kejam. Lisan yang tidak terlibat dengan sebarang budaya fitnah akan menyelamatkan seseorang muslim itu daripada di azab oleh Allah SWT. Menjaga lisan boleh membawa umat Islam menjadi orang yang selamat di hadapan Allah SWT. Jagalah tangan-tangan kita dari menumpahkan darah sesama saudara se-Islam, sama ada dengan menyakiti, melukai, atau membunuh seorang muslim lainnya.

14

Di akhir zaman ini, kejayaan individu atau ummah seluruhnya adalah kejayaan menyelamatkan diri dari terjebak dengan perbalahan dan fitnah. Fitnah yang berlaku sebegini rupa pada hari ini disebut sebagai Fitnah Syubhat. Fitnah Syubhat bererti samar-samar atau tidak jelas. Dalam Fitnah Syubhat, seseorang menjadi rosak ilmu dan keyakinannya sehingga menjadikan perkara makruf menjadi samar dengan kemungkarannya, sementara kemungkarannya sendiri tidak dihindari. Fitnah Syubhat merupakan fitnah paling berbahaya kerana kurangnya ilmu dan lemahnya pengamatan mata hati, ketika diiringi dengan niat buruk dan hawa nafsu maka timbullah fitnah besar dan keji. Fitnah Syubhat membawa kepada persepsi kekafiran dan kemunafikan yang menjadi sebab perpecahan.

15



<p>Rasulullah SAW amat bimbang tentang Fitnah Syubhat, sebagaimana hadis yang diriwayatkan oleh Abu Barzah Al-Aslami bahawa Rasulullah SAW bersabda yang bermaksud:</p> <p><i>“Sesungguhnya di antara yang aku takutkan atas kamu adalah syahwat mengikuti nafsu pada perut kamu dan pada kemaluan kamu serta fitnah-fitnah yang menyesatkan.”</i></p> <p><i>(Riwayat Ahmad).</i></p>	16
<p>Pada hari ini, kita lihat fitnah sentiasa berlegar di segenap medium media massa dan perantara. Janganlah kita rosakkan diri kita dengan amalan buruk ini. Janganlah jadikan diri kita sebagai salah seorang individu yang menjadi kepada penyebar fitnah. Jadilah manusia yang sentiasa membawa berita yang benar dan sentiasa menjauhi fitnah.</p>	17
<p>Rasulullah SAW merupakan ikon dan suri tauladan yang terbaik bagi seluruh umat Islam di dunia. Walaubagaimanapun, Baginda tidak sunyi daripada difitnah bahkan jauh lebih berat berbanding kita. Akan tetapi, Rasulullah SAW tidak pernah menyimpan dendam dan Baginda menghadapi fitnah-fitnah tersebut dengan tenang berlandaskan ajaran Islam menerusi al-Quran dan al-Sunnah.</p>	18
<p>Pertama, Rasulullah SAW menghindari tuduhan yang bersifat prasangka. Ini kerana prasangka menjadi perhatian pihak lawan mahupun kawan. Hindarilah dari melakukan perkara yang boleh menimbulkan prasangka buruk.</p>	19



<p>Kedua, Rasulullah SAW juga tidak akan menerima sesuatu perkara tanpa ada bukti atau sokongan yang kukuh. Setiap berita yang tidak disertakan dengan bukti atau dalil haruslah ditolak oleh setiap umat Islam.</p>	20
<p>Ketiga, Rasulullah SAW tidak membiarkan hawa nafsu mencampuri berita yang tidak benar. Ini menyebabkan individu dan ummah terjerumus ke dalam lembah kesesatan.</p>	21
<p>Keempat, Rasulullah SAW tidak membalas berita bohong dengan berita bohong yang lain dan tidak membalas perkara yang dusta dengan perkara lain yang serupa.</p>	22
<p>Mutakhir ini, pelbagai tanggapan, telahan dan sangkaan disebarikan oleh pihak tertentu mengaitkan dasar dan kebijaksanaan diambil oleh pihak pemerintah atau kerajaan yang bersifat memfitnah untuk membentuk suatu stigma kepada masyarakat bahawa kerajaan menghalang usaha-usaha dakwah apabila peruntukan undang-undang dan keputusan-keputusan Majlis Agama Islam Selangor mengenai tauliah mengajar dilaksanakan dan dikuatkuasakan. Begitu juga dalam hal tindakan kerajaan melaksanakan pemutihan sekolah-sekolah tahfiz bagi tujuan penguatkuasaan kurikulum yang lebih menjamin masa depan pelajar, keselesaan dan keselamatan pelajar; ditohmah sebagai suatu tindakan mahu menutup sekolah-sekolah agama oleh kerajaan. Tindakan kerajaan membuat penyusunan semula guru KAFA turut telah digembar-gemburkan sebagai cara kerajaan mahu menutup sekolah-sekolah agama di Negeri Selangor. Benarkah cara sebegini rupa yang diperturunkan dan diajarkan oleh Nabi SAW kepada kita semua?</p>	23



Dalam hal ini, mimbar ingin menegaskan, berhentilah dari berpolemik, membentuk persepsi salah dan berperasangka buruk, apatah lagi mempolitikkan isu-isu berkaitan agama Islam yang diketuai oleh DYMM Sultan Selangor. Sebagai seorang muslim mukmin, berpada-pada dalam setiap perkara dan tindakan. Janganlah mengambil semua perkara untuk melahirkan kebencian, sekumpulan itu tidak islamik, sekumpulan itu jahat, sehingga ianya menjerumus diri kepada amalan fitnah seterusnya membawa kepada perpecahan umat Islam yang tiada penghujungnya.

24

Mengakhiri khutbah ini, marilah kita mengambil ibrah dengan menghayati isi kandungannya agar dapat dijadikan panduan serta pedoman hidup:

1. Umat Islam hendaklah menjauhi perbuatan fitnah kerana ianya tidak akan memberi kejayaan kepada umat Islam di dunia mahupun di akhirat nanti.
2. Umat Islam hendaklah sentiasa melaksanakan 'Tabayyun' dalam setiap berita yang diperolehi melalui pihak yang berautoriti dan pihak yang lebih mengetahui.
3. Umat Islam hendaklah sedar bahawa amalan fitnah akan memecahbelahkan masyarakat seterusnya membawa kepada kehancuran seluruh umat Islam.

25

أَعُوذُ بِاللَّهِ مِنَ الشَّيْطَانِ الرَّجِيمِ
وَاتَّقُوا فِتْنَةً لَا تُصِيبَنَّ الَّذِينَ ظَلَمُوا مِنْكُمْ خَاصَّةً وَاعْلَمُوا أَنَّ اللَّهَ شَدِيدُ

26

الْعِقَابِ ﴿٢٥﴾



<p><i>“Dan jagalah diri kamu daripada (berlakunya) dosa (yang membawa bala bencana) yang bukan sahaja akan menimpa orang-orang yang zalim di antara kamu secara khusus (tetapi akan menimpa kamu secara umum) dan ketahuilah bahawa Allah Maha berat azab seksa-Nya.”</i></p> <p>(al-Anfal : 25).</p>	27
<p>بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الآيَاتِ وَالذِّكْرِ الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.</p>	30
<p>أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ</p>	31



KHUTBAH KEDUA

1	الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
2	وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
3	أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.
4	Marilah sama-sama kita bertakwa kepada Allah SWT dengan melakukan ketaatan kepada-Nya dan menjauhkan diri daripada perbuatan keji dan maksiat.
5	إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
6	اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
7	اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.
8	اللَّهُمَّ أَعِزِّ الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ وَالْمُشْرِكِينَ.
9	اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بَعَيْنِ عِنَايَتِكَ الرَّبَّانِيَّةَ، وَبِحِفْظِ وَقَائِتِكَ الصَّمَدَانِيَّةَ،



جَلَالَةَ مَلِكِنَا الْمُعْظَمِ، سُلْطَانَ سَلَاطُورِ، سُلْطَانَ شَرَفِ الدِّينِ ادریس شاه الحاج ابن المرحوم سُلْطَانَ صَلَاحِ الدِّينِ عبد العزيز شاه الحاج.	10
اللَّهُمَّ اِيْمِ الْعَوْنِ وَالْهَدَايَةِ وَالتَّوْفِيقِ، وَالصِّحَّةِ وَالسَّلَامَةَ مِنْكَ، لَوْلِيَّ عَهْدِ سَلَاطُورِ، تَعَكُّوْا اَمِيْرَ شَاهِ ابْنِ السُّلْطَانَ شَرَفِ الدِّينِ ادریس شاه الحاج،	11
فِي اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلُ عُمْرَهُمَا مُصْلِحِيْنَ لِلْمُوْظَفِيْنَ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيْقِ الْهُدٰى وَالرَّشَادِ.	12
Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf harta melalui Perbadanan Wakaf Selangor dan menginfakkan harta pada Tabung Infak Jariah Umat Islam Selangor (TIJARI) dan kepada anak-anak yatim melalui Yayasan Islam Darul Ehsan (YIDE).	16
Jadikanlah kami antara hamba-Mu yang menjaga amanah. Kuatkan iman kami agar menjauhi perbuatan khianat serta jauhkan kami termasuk dalam golongan yang mengabaikan tanggungjawab dan jauhi negeri dan negara kami daripada kehancuran disebabkan perbuatan rasuah.	17



<p>Serahkan tanggungjawab memimpin negara kami kepada hamba-Mu yang amanah dan jujur serta tegas lagi berani menegakkan kebenaran dan melaksanakan keadilan berlandaskan syariat. Jadikanlah Ya Allah masjid dan surau di Negeri Selangor rumah-rumah-Mu yang aman, mempersatukan dan menjadi nadi kekuatan ummah.</p>	18
<p>اللَّهُمَّ يَا دَافِعَ الْبَلَاءِ، اذْفَعْ عَنَّا هَذَا الْوَبَاءَ وَالْبَلَاءَ وَالْمَرَضَ وَالشَّدَائِدَ وَالْمِحْنَ، بِطُفِكَ يَا لَطِيفُ إِنَّكَ عَلَى كُلِّ شَيْءٍ قَدِيرٌ وَبِالْإِجَابَةِ جَدِيرٌ.</p>	19
<p>رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ ﴿٢٠﴾.</p>	20
<p>عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾</p>	21
<p>فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلِذِكْرِ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.</p>	22